

ՆԱՐԵԿ
ԱՂՕԹԱՄԱՏԵԱՆ
Ս. ԳՐԻԳՈՐ ՆԱՐԵԿԱՅԻՈՅ

Բան ԾԲ.

Ա.— Իսկապէս օրհնեալ եւ Դուն Քու էութեանդ մէջ, ո՛վ անսահմանելի եւ անայլայլօրէն բարի, երկրպագութեան արժանի խնկելի էութիւն, բովանդակ աշխարհի խոստովանելի երջանկութիւն, տեւական յոյսի շօշափելի յայտնութիւն, ողորմած, գթած, որ բազմամեայ մեղքերուն դէմ ակնթարթի մը չափ ոյս չես պահեր. որ շնորհաց այս նոր տնտեսութեան մէջ, բոլոր նախկին սերունդներուն եղածէն անհամեմատ առաւելութեամբ, մէկին տեղ կրկին հաճեցար հեղուլ ողորմութեանդ վերահաս, ամենախնկաւոր, զարմանալի եւ հրաշալի վտակները: Ու Սողոմոնի ունեցած զիտութեան համեմատ բացիր, ընդարձակեցիր, նախ իրեն ու յետոյ ինձի պէս թշուառին համար, այն աղօտ նշոյլներուն անձուկ լուսամուտքը(1), այսինքն այն առագաստը որ աստուածային ձրի պարզեւներուն եւ ողորմութեան դուռը կը փակէր: Ու ինչ ինչ աւետաւոր յիշատակներու ընդմէջէն՝ հինին մէջ ալ նորին նմանութիւնը նկարագրեցիր մեզի, ըսելով. «Ինձի դարձէք ու ես ձեզի կը դառնամ, ու երբ դառնաք ու հառաչէք, այն ատեն պիտի ապրիք»(2): Դուն աղջամուղջին սեւ գոյնը ձիւնի պայծառութեան կը փոխարկես, ու մարդկային արիւնով ներկուածները՝ բուրդի սպիտակութեան, ինչպէս կըսեն Եսայի եւ Զազարեա(3). ու բարկութեանդ միջոցին ալ նորէն կը յիշես ողորմութիւնդ, վասնզի Իսրայելի քաղաքներուն անապատանալն ու վերստին բնակաւորուիլը, ճամբաներուն՝ մարդ չկենալէն ամայանալը եւ նորէն անցորդներով լեցուիլը, մարդուն՝ սովէն մարմրիլը եւ նորէն զօրանալը, Աստուծոյ՝ զայրանալով Իր տեղը քաշուիլն ու նորէն դառնալը, լքելէն ետք նորէն օգնելը եւ սպառնական սաստերու պահուն եւս կրկին պաշտպանելը, եւ խռոված սրտին մէջ ալ խնամքի գութ յուզուիլը ա՛յդ կը ցուցնեն:

Բ.— Մարգարեական այս խնկելի խօսքերը, որոնք կը գուշակէին Քու օրհնեալ գալուստիդ փրկարար հրամանը, ինչ որ իր անչափելի մեծութեանը համար նիւթական լեզուն չի կրնար բացատրել, փոքրիկ ու տկար, հին ու անցաւոր օրինակներու պատկերներն են սակայն, Քու աւետիսիդ յայտնութեանը եւ խաչիդ փրկագործութեանը համեմատութեամբ: Դուն Ինքդ ամէն տեղ կանգնեցիր Քու ուխտիդ արիւնին վկայութեան խորանը, որ Աբելի մահուան ու դատակնիքէն աւելի բարձրաձայն կը հռչակէ Քու բարիքներուդ հանդիսաւոր յաղթանակը, որ կրկին ու անմահական կեանքն է շնորհաց, մկրտութեան, յարութեան, վերանորոգութեան, Քեզի հետ ընտանութեան, Սուրբ Հոգիիդ հետ միութեան, քաւութեան, ազատութեան, լուսաւորութեան, մշտնջենաւոր մաքրութեան, իսկական երանութեան, հրեշտակներու կցորդ ըլլալու անկողոպտելի փառքի եւ մեր շրթունքներու ձայնովը Բարձրեալը հաշտեցնելու ու աղաչանքի: Եւ ի՛նչ որ աւելի ահաւոր է եւ գոր կուգեմ յիշել հոս ի յիշատակ Քու մեծ երախտիքին, թոյլ տուիր մեզի շնորհներուդ կցորդութեամբը աստուածանալ իսկ եւ տէրունի

մարմինիդ ճաշակումովը միանալ ստեղծողիդ հետ, կեանքի լոյսին հետ խառնուելով.
կատարելություն՝ զոր Հին օրենքը չուներ, ըստ Պողոսի խօսքին(4): Բայց Դուն, ո՛վ փրկություն,
ամենուն քաիչ, եկար ու Քու հայրական իշխանութեամբդ իրագործեցիր երկարաձգումը այն
լոյսին զոր մարդիկ աննուագօրէն Քու վրադ կը պահէին: Փա՛ռք Քեզի, Հօրդ հետ, Սուրբ
Հոգիդ գովեստովն ու օրհնութեամբը, յաւիտեանս. ամէն:

Բառարան

Անայլայլ - Անխռով, անփոփոխ, անդորր, անվրդով:

Խնկելի - Պաշտելի, օրհնաբանելի, սրբազան

Ակնթարթ - Աչքի բացխփիլը, կարճ ժամանակամիջոց:

Հեղուլ - Հոսեցնել, թափել, վազցնել

Առագաստ - Կայմի պաստառ * հարսանեկան սենեակ * քօղ

Աղջամուղջ - Կիսախաւար, մթնշաղ, մութնուլոյս

Դատակնիք - Դատավճիռ, դատապարտութիւն

Երախտիք - Բարիք, բարեգործութիւն, աղէկութիւն